



Newsletter nu ok up Platt

Umdat dat Plattdüütsbüro verscheden Anfragen kregen hett, dat de Newsletter ok up Platt maakt worden sall, fangen wi nu daarmit an – dat is en „Testballon“: De token fiev Newsletters van dat Plattdüütsbüro sall dat up Hoog- un up Plattdüütsk geven. De Antahl van de Leesderskes un Leesders van de plattdüütske Utgaav entscheddt daarover, of dat de Newsletter ok wiederhen in Platt geven deit.



PlattinO:

Darde Deel van de Plattlern-App rutgeven

An de 23. Oktober 2024 wurr de darde Deel van de Plattlern-App PlattinO („Platt in Oostfreesland“) van dat Plattdüütskbüro van de Oostfreeske Landskupp rutgeven. Bi de eerste beid Delen van de App kunn man de Sprakenniveaus A1 un A2 na de „Gemeinsamer Europäischer Referenzrahmen für Sprachen (GER)“ kriegen. Nu kann een dat oostfreeske Platt bit hento de Niveaustufe B1 lehren. Heel besünners: In de App sünd en heel Rieg Texten over historisk of touristisk Steden in Oostfreesland un over Traditionen un Wennsten. So is de darde Deel van PlattinO en richtig „Oostfreesland-App“ worden, de besünners ok för totrucken Minsken of Touristen heel spannend is.

Dat Projekt „PlattinO – Die Plattlern-App“ is mit de darde Deel nu ofsloten. Mit disse App hett dat Plattdüütskbüro dat eerste digitaal Plattlernangebot maakt. De 90.000 Downloads van PlattinO maken de App to en groot Erfolg.



Plattsounds 2024: Majanko ut Wilhelmshaven winnt mit „Un de nacht is noch jung ...“

Bi dat 14. Finale van de plattdüütske Bandweddbearv Plattsounds hett en Fackjury dat Leed „Un de Nacht is noch jung ...“ van Majanko ut Wilhelmshaven to dat beste plattdüütske Leed van dat Jahr 2024 köört. De Band dürt sük over 1.000 Euro Priesgeld freien.

„Dat geev en Bült heel good Bidragen, daarom weer de Wahl stuur, un wi hebben in de Jury vööl akkerderen musst“, see Grietje Kammler, Baas van dat Plattdüütskbüro van de Oostfreeske Landskupp. Se weer för dat eerste Maal as Lidd van de Jury bi de Weddbearv d'rbi. In 't Geheel nohmen teihn Bands deel un spöölden Leder ut de Berecken Rock, Pop, Singer-Songwriter, Punk un Metal. Dör de Weddbearv hett de Singerske un Moderatorin Annie Heger föhrt.



Hier giff dat mehr to weten!



Bildnawiesen

- Indrag in dat Wordenbook to dat Woord „Löffel“ (Foto: Sebastian Schatz, Ostfriesische Landschaft).
- Dr. Matthias Stenger, Direktor van de Oostfreeske Landskupp, Rico Mecklenburg, Landskupspräsident, Herma C. Peters, Plattdüütskbeupdraggte van de Stadt Auerk, Hans Freese, 1. Vörsitter van de Vereen Oostfreeske Taal, Elke Brückmann, Autorin van de Plattlehr-App PlatinO, Grietje Kammler, Baas van dat Plattdüütskbüro van de Oostfreeske Landskupp un Bernd Grünefeld, Referent för Plattdüütsk bi de Emsländische Landskupp, wiesen tosamen de darde Deel van de Plattlehr-App PlatinO (Foto: Sebastian Schatz, Oostfreeske Landskupp).
- All Deelnemers van Plattsounds 2024 (Foto: Karl-Heinz Berger).
- Grietje Kammler van dat Plattdüütskbüro (2. v. r.) övergiff de darde Pries an de Band Allocation ut Göttingen, up de rechte Kant Moderatorin Annie Heger (Foto: Karl-Heinz Berger).

Hier können Sie utschöken, welke Newsletter Sie van uns kriegen willen.

Ostfriesische Landschaft
- Körperschaft des öffentlichen Rechts -
Georgswall 1 – 5
26603 Aurich

Telefon: [04941 1799-0](tel:0494117990)
E-Mail: newsletter@ostfriesischelandschaft.de

Redaktionell verantwortlich:
Dr. Matthias Stenger, Landschaftsdirektor

[Klicken Sie hier](#), um sich von allen Landschafts-Newslettern abzumelden.